



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XIV. Quod in criminibus notoriis non est deferendum appellationi, & de eo
quod supra 7. Cum sit.

urn:nbn:de:hbz:466:1-15588

C A P. XIII. *Idem R. Cantuariensi archiepiscopo.*

Peruenit ad nos, quod cum presbyteri vel alii se conquerant ab aliquibus vulneratos, vel aliter grauiter lassos & ad probandum quod assumunt, plerumque testes producunt, hi qui impetuntur, ad apostolicam sedem appellant: sed appellationem interpositam prosequi, vel consortium hominum deuitare contemnunt. Vnde quia quid faciendum sit, literis nostris certiorari desideras, fraternitati tuae, &c. quatenus illos qui pro tali causa appellant, si eorum excessus publicus & notorius non sit, contradictione & appellatione cessante, ecclesiastica censura compellas, ut infra conueniens tempus ipsam appellationem interpositam prosequantur. Si vero excessus publicus sit & notorius, appellationis obtentu, si quam ad iniuriam suam fouendam interposuerant, nullatenus prætermittas, quin eos excommunicatos denunties, sicut ex ipsa iniectione manuum in clericum, excommunicationis sententiam incurrerunt, & ipsos sicut excommunicatos cautius facias evitari, donec passis iniuriam satisfaciant, & cum literis tuis apostolico conspectui sero præsentent.

C A P. XIV. *Idem archiepiscopo Toletano.*

In criminibus notoriis non est deferendum appellationem.

Consuluit nos tua fraternitas, vtrum deferendum sit appellationibus, quæ super manifestis criminibus interponuntur, aut eorum appellationibus qui frustratoria dilatationis causa appellant, nec appellationem prosequuntur. Super quo vtique consultationi tuae taliter respondemus, quod si quando aliqui, quos manifestum sit ac notorium, vxorem alterius detinere, aut manus violentas iniecerint in clericum, appellant, nec appellationem prosequuntur, eorum appellationi non est aliquatenus deferendum. Sed cum multa dicantur notoria, quæ non sunt, prouidere debes, ne quod dubium est pro notorio videaris habere. Illos autem qui appellant a præsentia tua, cogere debes infra tempus conueniens appellationem interpositam prosequi, aut iudicio tuo appellatione cessante parere.